



# Kwojkwoj eo im Eromꝯ Eļapļok Āinwōt Kraist

Jān Elder D. Todd Christofferson  
Jān Doulul eo an Joñoulruo Rijilōk ro



Ilo 13, ekar jipañ ālkin mꝯwij- mꝯwij eo an jinen ilo **an kar kōmat pilawe.**



Ekar kōmꝯmane mæe iien ekar emꝯakūt ñan kaļōj.

Mareiki Katherine Jacob ilo 1968 ilo **Salt Lake Temple**



Ewōr **5 nejin ajri ro im 16 jibūn ajri**



**K**ōkkalļein kwokwoj eo an mꝯñā in Kijooone eo an Irooj ej aibooj-oj ñan kōļmenļokjenꝯ kake.

Pilawā im dān rej bōk jikin Ānbwinnin im Bōtōktōkin eo ej Pilawā in Mour im Dān in Mour, (lale Jon 4:10), eo ej kakeememej kōj kōn wāñāān eo Ekar kōļļāik ñan pinmuuri kōj. Ilo an pilawā eo ruje, jej keememej ānbwin eo erub an Rilomꝯor eo. Ilo ad idaak jān dān eo, jej ļomꝯnak kōn bōtōktōk eo Ekar kōtoꝯrļok ilo Gethsemane im ioon dōbwāāl eo im kajoor in kōkwojarjar eo an (lale Moses 6:60).

Ak ilo bar juon wāween mꝯñā Ānbwinnin im idaak Bōtōktōkin ewōr bar juon meļeļein, im bwe ej ñan kile aorōk ko remꝯan im mꝯwil ko an Kraist. . . . Ilo ad bōk mꝯttan pilawā im dān kajjojo wiik, enaaj emꝯan ad mour ñan ļomꝯnak kōn wāween ad aikuj in lukkuun kobaik kadmadin im joñak ko an mour eo ejjeļok an jerawiwi ñan mour ko ad im kōj. Jisōs eban kar maroñ pinmuur kōn jerawiwi ko an ro jet mæe iien E Make ejjab

jerawiwi. Bwe ekajet ejjeļok an kajoor loon, Emaroñ leļok E MAKE ilo jikin ko ad ñan kaju būruwōn ekajet innām letok tūriamꝯo. . . .

Bōk mꝯttan kanniōk in Rilomꝯor eo im idaak jān Bōtōktōkin meļeļein ñan joļok jān mour ko ad jabdewōt men ko rejjab jokin wōt juon ippān mꝯwil ko an Kraist im kōmꝯmane bwe Mwilin ej mꝯwilid. Eñin ej juon meļeļe eļapļok kōn ukweļok: jab wōt juon oktakļok jān jerawiwi ko mꝯkta ak barāinwōt “juon oktak in bōro im mꝯñōñō ñan Anij” buñ maanļok wōt (lale Bible Dictionary, “Repentance”). Anij enaaj kwaļok ad mōņo im likjab, akEnaaj barāinwōt jipañ kōj oktak jān mōjņo ñan kajoor (lale Ether 12:27). Eļāñne jej mꝯool ilo ad kajjitōk, “Ewi men eo ijañin tōpar e?” (Matu 19:20) Ej jāmin kōtļok ad jab lukkuun jeļā uwaak eo, ak ilo iakwe Enaaj letok uwaak ñan jeramꝯan eo ad. Im E enaaj letok ñan kōj kōjatdikdik. ■

*Jān juon kar ekōnono ilo Oktoba 2017 kweilok eo eļap.*